

ԽԱԳՍԵՐՈՒԿՆԵՐ

JONATHAN FRANZEN

CROSSROADS

A NOVEL

ԳՈՆԱԹԱՆ ՖՐԱՆԶԵՆ

ԽԱԶՄԵՐՈՒԿՆԵՐ

ՎԵՊ

Թարգմանությունն անգլերենից՝
Աստղիկ Աթաբեկյանի



ԵՐԵՎԱՆ
2025

ՀՏԴ 821.111(73)-31Ֆրանգեն
ԳՄԴ 84(7ԱՄՆ)-44
Ֆ 851

Ֆ 851 Ֆրանգեն Ջոնաթան
Խաչմերուկներ: Վեպ / Ջ. Ֆրանգեն.- Եր.: Newmag, 2025.- 648 էջ:

1971-ի դեկտեմբերն է, Չիկագոյում և հարակից շրջաններում սպասվում է ահավոր եղանակ: Քաղաքի գլխին ամպեր են կուտակվում: Ծխական քահանա Ռաս Հիլդերբրանտը գրեթե պատրաստ է վերջ դնել իր անուրախ ամուսնությանը: Բայց պարզվում է ընտանեկան միօրինակ կյանքը հոգնեցրել է նաև նրա կնոջը՝ Մերիոնին, որն էլ իր գաղտնիքներն ունի: Նրանց ավագ որդին՝ Քլեմը, քոլեջից տուն է վերադառնում մի որոշումով, որը կցնցի հորը: Նրանց դուստրը՝ ավագ դպրոցի թագուհի Բեքին, տարվել է կրոնահոգևոր փնտրուտքով, երրորդ երեխան՝ Փերրին, որը կրտսեր դասարանների աշակերտներին թմրանյութ է վաճառում, որոշում է փոխվել և ավելի լավը դառնալ:

Հիլդերբրանտների ընտանիքում յուրաքանչյուր ոք ձգտում է ազատության, սակայն այդ ճանապարհին ընտանիքի ամեն անդամ ամեն կերպ խոչընդոտում է մյուսին: «Խաչմերուկներ» վեպում Ջոնաթան Ֆրանգենը մեկ ընտանիքի օրինակով ներկայացնում է 1970-ականների Ամերիկայի ամբողջ խառնաշփոթը՝ հասարակության ներսում հասունացող ոգևորության ալիքը և բարոյական խորացող ճգնաժամը:

Այս գիրքը մարդկային հարաբերությունների և մենության մասին է, հայրերի ու որդիների հավերժական պայքարի ու այն մասին, թե երեխաներն ինչպես են կրկնում ծնողների սխալները, որքան էլ ընդդիմանում են նրանց: Հարազատներ, որոնք իրենց անտարբերությամբ ցավ են պատճառում միմյանց:

Այս պատմությունը կյանքի այն խաչմերուկների մասին է, որոնցով յուրաքանչյուր ոք վաղ թե ուշ անցնում է, և, որքան էլ դառը լինի ազատության գինը, այն միշտ տեղ է թողնում հոյսի համար: «Կյանքը խառնաշփոթ է, և դա հրաշալի է»:

ՀՏԴ 821.111(73)-31Ֆրանգեն
ԳՄԴ 84(7ԱՄՆ)-44

ISBN 978-9939-967-99-8
Copyright © 2021 by Jonathan Franzen
First published by Farrar, Straus and Giroux
Translation rights arranged by PLIMA d.o.o
All Rights Reserved

Ջոնաթան Ֆրանգեն «Խաչմերուկներ» © 2025, «Նյու Մեգ» ՍՊԸ
Այս գրքի հայերեն թարգմանության և հրատարակության հեղինակային բոլոր իրավունքները պատկանում են «Նյու Մեգ» ՍՊԸ-ին: Իրավունքները ձեռք են բերվել հեղինակի հետ կնքած պայմանագրով:

Բովանդակություն

Նախատոնակ	7
Զատիկ	413

Քիթիի համար

Նախապատճենակ

Երկնքում, որ կտրտված էր Նյու Փրոսպեքթի մերկ կաղնիներով ու թեղիներով, թանձրանում էր խոնավության խոստումը, երկու մթազևած մթնոլորտային ձակատներ պայմանավորվում էին ծյուն տեղալ Ծննդյան տոներին, իսկ Ռաս Հիլդեբրանտն առավոտից սովորականի պես իր Plymouth Fury ֆուրգոնով շրջայցում էր անկողնուն գամված զառամյալ ծխական բնակիչներին: Եկեղեցու անդամներից մեկը՝ տիկին Ֆրենսիս Քոթթելը, առաջարկել էր այդ օրը միասին խաղալիքներ ու պահածոներ տանել «Աստծո համայնք», ու չնայած Ռասը գիտեր, որ բարի կամքի այդ դրսևորման համար կարող է ուրախանալ զուտ այն պատճառով, որ ինքը նրա հոգևոր հովիվն է, Ծննդյան տոների ավելի լավ նվեր, քան այդ կնոջ հետ չորս ժամ մենակ մնալն է, երազել չէր կարող:

Ռասի նվաստացումից հետո, ինչից երեք տարի էր անցել, եկեղեցու ավագ քահանա Դուայթ Հեֆլը մեծացրել էր իր տեղակալի հովվապետական այցերի ծանրաբեռնվածությունը: Թե ինչպես էր Դուայթը տնօրինում իր ժամանակը, որ նրա համար խնայում էր Ռասը, անհայտ էր, պարզապես հիմա ավելի հաճախ էր արձակուրդ վերցնում և աշխատում էր քնարական բանաստեղծությունների իր ժողովածուի վրա: Սակայն Ռասին դուր էր գալիս, թե ինչպիսի սեթևեթանքով է իրեն դիմավորում անդամահատությունից հետո առաջացած խոշոր այտուցների պատճառով բժշկական մահճակալին գամված տիկին Օ'Դուայթը, որին տեղավորել էին իր ճաշասենյակում: Դուր էր գալիս ամեն օր օգտակար լինել հատկապես նրանց, ովքեր, ի տարբերություն իրեն, չէին հիշում, թե ինչ էր պատահել երեք տարի առաջ: Հինդսբլի ծերանոցում, որտեղ տոնական փշատերև պսակների բույրերը խառնվում էին ծերունական արտաթորանքի գարշահոտին՝ հիշեցնելով Հյուսիսային Արիզոնայի լեռների արտաքնոցները, նա զառամյալ Ջիմ Դեերոյին հանձնեց նոր ծխական ալբոմը, որը զուտ խոսակցություն բացելու պատրվակ էր, ու հարցրեց՝ հիշո՞ւմ է Ջիմը

Փաթիսունների ընտանիքը: Նախատոնակի ոգով համակված ծխական քահանայի համար Ջիմն իդեալական վստահորդ էր, ցանկությունների ջրհոր, որի մեջ նետված մետաղադրամը երբեք չի դիպչի հատակին ու չի արձագանքի:

— Փաթիսունների՞ն,— ասաց Ջիմը:

— Մի աղջիկ ունեին, Ֆրենսիսը,— Ռասը կռացավ նրա հաշմասայլակի վրա ու թերթեց ալբոմը՝ հասնելով «Բ» տառին: — Հիմա ամուսնու ազգանունով է, Բոթթել: Ֆրենսիս Բոթթել:

Ռասը տանը չէր խոսում նրա մասին, նույնիսկ եթե խոսքը նրան էր վերաբերում. վախենում էր, որ կինն ինչ-որ բան կլսի իր ծայնի մեջ: Ջիմը կռացավ Ֆրենսիսի ու նրա երկու երեխաների լուսանկարի վրա:

— Ա՛խ, Ֆրենսին: Հիշում եմ Ֆրենսի Փաթիսունին: Ի՞նչ է պատահել նրան:

— Վերադարձել է Նյու Փրոսպեքթ: Մեկուկես տարի առաջ կորցրել է ամուսնուն. ահավոր դեպք է: Ամուսինը փորձարկող օդաչու էր «Ջեներալ դայնեմիքսում»*:

— Որտե՞ղ է նա հիմա:

— Վերադարձել է Նյու Փրոսպեքթ:

— Ա՛խ, հա: Ֆրենսի Փաթիսունը: Եվ որտեղ է նա հիմա՞:

— Վերադարձել է հայրենի քաղաք: Հիմա նա տիկին Ֆրենսիս Բոթթելն է,— Ռասը ցույց տվեց նրա լուսանկարն ու կրկնեց: — Ֆրենսիս Բոթթել:

Նրանք ժամը 14:30 պիտի հանդիպեին Առաջին ռեֆորմատական եկեղեցու կայանատեղում: Բայց Ռասը եկավ ժամը 12:45, տղայի պես, որն անհամբեր սպասում է Ծննդյան տոնին: Մեքենայի մեջ նստած ծամում էր տնից բերած լանջը: Անհաջող օրերին, որ վերջին երեք տարիներին քիչ չէին նրա կյանքում, հաճախ եկեղեցի էր մտնում շրջանցիկ, ոլոր-մոլոր ճանապարհով. հավաքույթների սրահով, սանդուղքով վերև, հետո՝ միջանցքով, որ լցված էր «Ուխտավորների օրիներգերի» ժողովածուներով, ծռմռված գրակալներով ու խաղալիք մսուրքով, որ վերջին անգամ ցուցադրվել էր 11 նախատոնակ առաջ՝ գույնզգույն փայտե ոչխարներ ու մենավոր, փոշուց գորշացած մի խոնարհ եգ, որի նկատմամբ Ռասը տխուր հարազատություն էր զգում, հետո՝ ներքև, նեղլիկ սանդուղքով, որտեղ

* Ամերիկյան ընկերություն, ռազմական և տիեզերական տեխնիկայի խոշորագույն արտադրողներից: (Բոլոր ծանոթագրությունները՝ **newmag**-ի):

միայն Աստված կարող էր տեսնել ու դատել նրան, դեպի սրբություն սրբոցը՝ խորանի հետևի վահանակների միջով բացվող «գաղտնի» դռնակը (որ չանցնի երիտասարդական ծրագրերի տնօրեն Ռիք Էմբրոուզի աշխատասենյակի մոտով)։ Էմբրոուզի դռան առաջ խմբված դեռահասները դժվար թե տեսած լինեին Ռասի նվաստացումը, քանի որ այն ժամանակ շատ փոքր էին, բայց հաստատ լսել էին այդ պատմությունը, և Ռասը չէր կարող նայել Էմբրոուզին ու չխոստովանել Փրկչի օրինակին հետևելու և նրան ներելու իր անկարողությունը։

Բայց այսօր հազվագյուտ հաջողակ օր էր, և Առաջին ռեֆորմատականի միջանցքները դեռ դատարկ էին։ Ռասն ուղիղ անցավ իր սենյակ, մի թուղթ դրեց գրամեքենայի մեջ ու սկսեց մտմտալ չգրված քարոզը Ծննդյան տոների հաջորդ կիրակիի համար, երբ Դուայթ Հեֆլը նորից կգնա արձակուրդ։ Նա կծկվեց բազկաթոռի մեջ, եղունգներով հարթեց ունքերը, տրորեց քթարմատը, ափերով շփեց դեմքը, որի կոպիտ գծերը, ինչպես Ռասն ուշացումով հասկացել էր, դուր էին գալիս շատ կանանց, բայց ոչ իր կնոջը, ու պատկերացրեց, թե ինչպես է քարոզ կարդում Սաութ Սայդ կատարած Ծննդյան ուղևորության մասին։ Նա շատ հաճախ էր քարոզում Վիետնամի մասին, չափազանց հաճախ էր հիշատակում նավախոցեղը։ Ամբիոնից համարձակ հայտարարել «ես և Ֆրենսիս Քոթթելը պատիվ ենք ունեցել...», արտաբերել նրա անունը, երբ նա նստած է չորրորդ կարգում, ու ծխականների հայացքները թերևս նախանձով միավորում են իրենց. այդ հաճույքից նա, ավանդ, զրկված էր, քանզի կինը, որը նախապես կարդում էր նրա քարոզները, նույնպես նստած էր լինելու ամբիոնի դիմաց՝ չիմանալով, որ Ֆրենսիսն այսօր մեկնելու է ամուսնու հետ։

Աշխատասենյակի պատերին ազդագրեր էին՝ Չարլի Փարքերը՝ սաքսոֆոնով, Դիլան Թոմասը՝ ծխախոտով, շրջանակում՝ Փոլ Ռոքսոնի ավելի փոքր լուսանկարն ու կողքին 1952-ին Ջադսոնի եկեղեցում ունեցած ելույթի ազդագիրը, Նյու Յորքի հոգևոր ժեմարանի Ռասի դիպլոմը, նրա մեծացրած լուսանկարը՝ երկու նավախո ընկերների հետ Արիզոնայում, 1946-ին։ Երբ 10 տարի առաջ Նյու Փրոսփեթթում քահանայի օգնական նշանակվեց, նրա հայացքների այդ հմտորեն ընտրված վկայություններն արձագանք էին գտնում դեռահասների սրտերում, որոնց քրիստոնեական զարգացումը նրա պարտականությունների ոլորտում էր։ Սակայն լայն փողքերով, կոմբինեզոններով ու քանդանակներով երիտասարդությունը,

որ հիմա հրմշտվում էր եկեղեցու միջանցքներում, դրանք անցյալի մնացուկ էր համարում: Բարակ մազերով ու Ֆու Մանչուի* ոճի փայլուն, սև բեղերով Ռիք Էմբրոուզն իր սենյակում մանկապարտեզի նման մի բան էր բացել. պատերին ու դարակներին իր երիտասարդ աշակերտների ինքնադրսևորման կոպիտ ներկոտած պտուղներն էին՝ քարերից, ձերմակած ոսկորներից ու վայրի ծաղիկներից հյուսած հատուկ իմաստ կրող մանյակներ, Ռասին հայտնի դավանանքներից ոչ մեկի հետ առնչություն չունեցող բարեգործական համերգների նախշակադապարե ազդագրեր: Ապրած նվաստացումից հետո նա թաքնվել էր աշխատասենյակում ու տառապում էր իր ջախելության խունացող տոտեմների շրջապատում: Այդ տոտեմները կնոջից բացի այլևս ոչ մեկին չէին հետաքրքրում: Իսկ Մերիոնը հաշիվ չէր, քանի որ հենց նա էր համոզել մեկնել Նյու Յորք, հետաքրքրվել Փարքերով, Թոմասով, Ռոբսոնով, Մերիոնն էր հիացել նավախոների մասին նրա պատմություններով ու համոզել անսալ սրտին ու հոգևորական դառնալ: Մերիոնն անբաժան էր նրան նվաստացում բերած ինքնությունից: Վիճակը փոխելու համար նրան պետք էր Ֆրենսիս Բոթթելը:

— Աստված իմ, դո՞ւ ես,— հարցրել էր Ֆրենսիսն անցած ամառ, երբ առաջին անգամ հայտնվել էր նրա աշխատասենյակում ու նայում էր նավախոների ռեզերվացիայի լուսանկարները: — Ուց որ ջախել Չառլթոն Հեսթոնը** լինես:

Ռասի մոտ եկել էր խորհուրդ հարցնելու, թե ինչպես դիմանա կորստին. գրույցները վերջերս հարազատին կորցրած մարդկանց հետ նրա ևս մի, ընդ որում, չսիրած պարտականությունն էին, քանի որ Ռասի ամենաձանր կորուստն առաջմ Սքիփերն էր՝ իր մանկության շունը: Բայց շուտով Ռասը թեթևացած շունչ քաշեց, երբ պարզվեց, որ Տեխասում ամուսնու հրաշունչ մահվանից մի տարի անց Ֆրենսիսին ամենից ավելի տանջում է դատարկության զգացումը: Ծխական կանանց խմբակներից որևէ մեկին անդամագրվելու Ռասի առաջարկը Ֆրենսիսը մերժեց:

— Չեմ ուզում սուրճ խմել այդ տիկիների հետ,— ասաց: — Իհարկե, տղաս ուր որ է ավագ դպրոց կփոխադրվի, բայց ես ընդամենը 36 տարեկան եմ:

* Այսինքն՝ երկար, կախված բեղերով: Դոկտոր Ֆու Մանչուն բրիտանացի գրող Սաքս Ռոմերի հորինած գրական կերպարն է, չարի մարմնացում:

** Charlton Heston, Չառլթոն Հեսթոն (1923–2008) – ամերիկացի դերասան, Օսկարի դափնեկիր

Դեմքին իսկապես ոչ մի ծալք չուներ, ոչ մի խորշում, ոչ մի ճարպագնդիկ, ոչ մի գիծ. մարմնացյալ եռանդով, զարդանախշ, անթև շորով, ի բնե բացգույն, կարծ կտրած, տղայական մազերով, փոքրիկ, լայնոտ, նույնպես տղայական ափերով: Ռասը չէր էլ կասկածում, որ Ֆրենսիսը երկար չի մնա մենակ, և դատարկությունը, որ տանջում էր նրան, փոքր-ինչ ավելին էր, քան ամուսնու բացակայությունը, բայց նաև հիշում էր, թե ինչպես բարկացավ մոր վրա, որը Աքիփերի մահվան համարյա թե հաջորդ օրը հարցրեց, թե տղան նոր շուն չի՞ ուզում:

Ռասն ասաց, որ կանանց հատուկ խմբակ կա, մյուսներից տարբեր, որը վարում է անձամբ ինքը. այդ խմբակն աշխատում է «Աստ ծո համայնքի» Ռեֆորմատական եղբայրական եկեղեցու ծխականների հետ:

— Տիկնայք սուրճ չեն խմում,— ասաց նա: — Մենք տների պատեր ենք ներկում, թփեր խուզում, աղբ թափում: Ծերերին տանում ենք բժշկի, օգնում, որ երեխաները դասերը սովորեն: Այդ գործերով զբաղվում ենք ամեն երեքշաբթի, առավոտից երեկո: Եվ հավատա, անհամբեր սպասում եմ այդ երեքշաբթիներին: Ահա և մեր հավատի պարտադրքներից մեկը. որքան շատ ես տալիս դժբախտներին, այնքան մոտ ես զգում Քրիստոսին:

— Այնքան հեշտ ես տալիս նրա անունը,— նկատեց Ֆրենսիսը: — Արդեն երեք ամիս գնում եմ կիրակնօրյա ժամերգության ու դեռ ոչինչ չեմ զգում:

— Այսինքն՝ նույնիսկ իմ քարոզները քեզ չեն հուզում:

Կինը հմայիչ կարմրեց:

— Դա նկատի չունեի: Դու գեղեցիկ ծայն ունես: Բայց...

— Անկեղծ ասեմ, ավելի շուտ երեքշաբթիներին կզգաս, քան կիրակիներին: Ինձ էլ շատ ավելի դուր է գալիս լինել Սաութ Սայդում, քան քարոզ կարդալ:

— Սևամորթների՞ եկեղեցի է:

— Այո: Մեր ղեկավարը Քիթի Ռեյնոլդսն է:

— Ինձ դուր է գալիս Քիթին: Ավարտական դասարանում մեզ անզլերեն էր դասավանդում:

Քիթին Ռասին էլ էր դուր գալիս, բայց զգում էր, որ նրա սրտով չէ որպես արական սեռի ներկայացուցիչ: Մերիոնն ասում էր, որ Քիթին, որը երբեք ամուսնացած չէր եղել, ամենայն հավանականությամբ, լեսբուհի է: Երկու շաբաթը մեկ Սաութ Սայդ գնալիս՝ նա փայտահատի պես էր հազնվում և արագորեն սեփականացրեց Ֆրենսիսին պնդելով, որ նա այնտեղ մեկնի

ու վերադառնա իր հետ, ոչ թե Ռասի ֆուրգոնով: Հիշելով կնոջ անբարե-
հաճությունը՝ Ռասը հաղթանակը զիջեց Նրան և սպասում էր, թե Քիթին
երբ է հիվանդանալու, որ ոչ մի տեղ չմեկնի:

Գոհատունի հաջորդ երեքշաբթի, երբ ամենուր հարբուխ էր տարածվել,
Առաջին ռեֆորմատականի ավտոկայանատեղի եկան ընդամենը երեք
տիկին, բոլորը՝ այրի: Ֆրենսիսը բողբե, վանդականախոջ ականջակալներով
զլխարկ էր դրել, ինչպիսին Ռասը կրում էր երեխա ժամանակ, արագ ցատ-
կեց Fury-ի առջևի նստարանին, բայց զլխարկը չհանեց գուցե այն պատճա-
ռով, որ տաքացուցիչն այնքան էլ լավ չէր աշխատում, և, որպեսզի դիմա-
պակին չքրտնի, ստիպված էին պատուհանը բաց թողնել: Կամ էլ հասկացել
էր, թե որքան հմայիչ է թվում Ռասին այդ զլխարկով, այն աստիճան, որ
Նրա շունչը կտրվում է, հավատը՝ երերում գայթակղության առաջ: Հետևում
նստած երկու, ավելի տարիքով այրիները, ըստ երևույթին, հասկացել էին
դա, որովհետև ամբողջ ճանապարհին՝ Միդուեյի օդանավակայանի մո-
տով, հետո 55-րդ փողոցով անցնելիս, Ռասին հանգիստ չէին տալիս կնոջ
ու չորս երեխաների մասին ցուցադրական-խայթող հարցուփորձով:

«Աստծո համայնքը» տեղավորվել էր գերմանացիների կառուցած դեղ-
նադյուս, առանց զանգակատան փոքրիկ եկեղեցում, որի մի կողմից կառ-
չած էր կուպրածածկ կտուրով ժողովարանը: Հոգևոր հոտը, որ գերազան-
ցապես բաղկացած էր կանանցից, առաջնորդում էր Թեո Քրենշուն՝ միջին
տարիքի հոգևոր հովիվ, որը մեծ լավություն էր անում՝ առանց շնորհա-
կալության ընդունելով Նրանց քաղաքամերձ խմբակի օգնությունը: Երկու
շաբաթը մեկ, երեքշաբթի օրերին, Թեոն Ռասին ու Քիթին ներկայացնում
էր առաջնահերթ գործերի ցուցակը: Նրանք գալիս էին ոչ թե քարոզելու,
այլ ծառայելու: Քիթին ու Ռասը գնում էին քաղաքացիական իրավունքնե-
րի համար ցույցերի, իսկ խմբակի մյուս կանանց ստիպված էին հիշեցնել,
որ եթե Նրանք դժվարությամբ են հասկանում «քաղաքացիների» լեզուն,
չի նշանակում, որ իրենք էլ պետք է խոսեն բարձր ու դանդաղ, որպեսզի
հասկանալի լինի: Խմբակը հզոր փորձ էր փոխանցել այն կանանց, որոնք
վարժվել էին ու հաղթահարել Սաուս Մորգան փողոցի՝ 6700 թաղամա-
սում շրջելու վախը: Իսկ Նրանց, ովքեր չէին վարժվել (տիկնանցից ոմանք
խմբակին միացել էին զուտ մրցակցելու համար, որ ապացուցեն, որ մյուս-
ներից վատը չեն), Ռասը ստիպված էր այնպես նվաստացնել, ինչպես
իրեն նվաստացրել էր Ռիք Էմբրոուզը, ու խնդրել, որ այլևս չգան:

Ֆրենսիսը դեռ ստուգում չէր անցել, քանի որ Քիթին նրան կողքից հեռու չէր թողնում: Երբ հասան Մորգան Սթրիթ, դժկամությամբ իջավ մեքենայից և սպասեց, մինչև կինդրեին օգնել Ռասին ու երկու այրիներին, որ ժողովարան տեղափոխեն գործիքների արկղերն ու հազած ձմեռային շորերով պարկերը: Նրա անվճռականությունը վատ նախազգացումների փոթորիկ բարձրացրեց Ռասի մեջ. վախենում էր, որ ձևը բովանդակության, գլխարկն արկածախնդիր ոգու տեղ է ընդունել: Բայց կարեկցանքի պոռթկումը ցրեց տագնապները, երբ Թեո Քրենշոն, ուշադրություն չդարձնելով Ֆրենսիսին, երկու տարեց այրիներին ուղարկեց կիրակնօրյա դպրոցի համար բերված հին գրքերի ցանկը կազմելու: Տղամարդիկ էլ նոր ջրատաքացուցիչ էին տեղադրելու նկուղում:

— Իսկ Ֆրենսիսը, — հարցրեց Ռասը:

Կինը կանգնել էր մուտքի մոտ: Թեոն սառը հայացքով չափեց նրան:

— Էնտեղ ահագին գիրք կա:

— Ինչո՞ւ չես օգնում ինձ ու Թեոյին:

Կնոջ արագ գլխով անելն ամրապնդեց նրա քնազդային համակրանքը՝ ցրելով կասկածը, որ հենց ինքն էր ուզում ցույց տալ, թե ինչքան ուժեղ է, ինչ վարպետությամբ է տիրապետում գործիքներին: Նկուղում Ռասը հանվեց ու մնաց միայն շապիկով, արջի պես գրկեց անդուր, ասքեստապատ ջրատաքացուցիչն ու իջեցրեց տեղից: 47 տարեկանում Ռասն արդեն բարակ չէր նորատունկ ծառի պես. թիկնեղ, լայնակուրծք, ծեր կաղնու նման ամրապինդ էր: Բայց Ֆրենսիսի համար նկուղում գործ չեղավ. մնում էր միայն նայել, թե ուրիշներն ինչպես են աշխատում, ու երբ պոկվեց արտածման խողովակը, և ստիպված էին գործի դնել հորատադուրն ու ակոսահանը, Ռասը միանգամից ջնկատեց, որ Ֆրենսիսը դուրս է եկել նկուղից:

Ռասին Թեոյի մեջ ամենից շատ դուր էր գալիս զսպվածությունը, որը նրան ազատում էր սնափառ երազանքներից, թե իրենց միջև կարող է միջոսասայական բարեկամություն սկսվել: Թեոն Ռասի մասին կարևոր փաստեր գիտեր՝ չի խորշում ծանր աշխատանքից, ամբողջ կյանքն ապրել է աղքատության սահմանագծին, հավատում է Հիսուս Քրիստոսի աստվածային քնությանը, իսկ մանրամասն պատասխան ենթադրող հարցեր Թեոն չէր տալիս ու չէր խրախուսում: Օրինակ՝ մի մտավոր հետամնաց տղա կար՝ Ռոնին: Նա հարևանությամբ էր ապրում և տարվա